

اتوار 4 اکتوبر، 2026

مضمون۔ غیر اصلیت

سنہری متن: متی 6 باب 13 آیت

”تے ساہنوں آزمائش وچ نہ لیا بلکہ بریائی توں بچا۔ کیوں جے بادشاہی تے قدرت تے جلال ہمیشہ تیرے ای نہیں۔ آمین۔“

جوابی پڑھائی: گلتیوں 5 باب 25، 26 آیتاں

گلتیوں 6 باب 3، 7 توں 9، 16 آیتاں

25۔ جے اسی روح دے پاروں جیوندے آں تے روح دے مطابق ای چلنا وی چاہیدا اے۔

26۔ اسی فضول وچ فخر کر کے نہ تے اک دو جے نوں چڑائیے تے نہ اک دو جے توں سڑیے۔

3۔ کیوں جے کوئی بندہ اپنے آپ نوں کج سمجھے تے ہووے کج وی نہ تے اوہ اپنے آپ نوں دھوکہ دیندا اے۔

7۔ دھوکہ نہ کھاؤ۔ رب ٹھٹھیاں وچ نئیں اڑایا جاندا کیوں جے بندہ جو کج بوند اے اوہ ای وڈھے گا۔

8۔ جیہڑا اپنے بدن لئی بوند اے اوہ بدن لئی ہلاکت دی فصل وڈھے گاتے جیہڑا روح لئی بوند اے اوہ روح نال ہمیشہ دی حیاتی دی فصل وڈھے گا۔

9۔ اسی نیک کم کرن وچ ہمت نہ ہاریے کیوں جے اسی بے دل نہ ہونواں گے تے عین ویلے سر وڈھاں گے۔

- 10- ایس لئی جتھے تیکر موقع ملے ساریاں دے نال نیکی کر یے خاص کر کے اہل ایمان دے نال۔
- 16- تے جنسے ایس قاعدے اُتے ٹرن اوہناں نوں تے رب دے اسرائیل نوں اطمینان تے رحم ملدار ہووے۔

درسی وعظ

بائبل وچوں

1- پیدائش 18 باب 25 (کرن والا) آیت

25- جگ دانیال کرن والا نیاں نہ کرے گا؟

2- دانی ایل 4 باب 1 توں 3، 28 توں 31، 33، 36، 37 آیتاں

1- نبوکدنضر بادشاہ ولوں سارے لوکاں امتاں تے بولیاں والیاں لئی جیہڑے پوری دھرتی اُتے رہندے نیں تہانوں سلا متی نصیب ہووے۔

2- میں مناسب سمجھیا پئی اوہناں نشاناں تے عجیب کماں نوں ظاہر کراں جیہڑے رب تعالیٰ نے میرے اُتے ظاہر کیتے نیں۔

3- اوہدے نشان کیسے عجیب تے اوہدے عجیب کم کیسے مہیب نیں! اوہدی مملکت ہمیشہ دی مملکت اے تے اوہدی سلطنت پیڑی توں پیڑی تیکر اے۔

28- ایہہ سب کجھ نبوکد نصر بادشاہ نال ہوئیا۔

29- اک سال بعد اوہ بابل دے شاہی محل وچ ٹہل رہیاسی۔

30- بادشاہ نے آکھیا پئی ایہہ بابل اعظم ننیں جنہوں میں اپنی طاقت دی قدرت نال بنایا اے پئی دارالسلطنت تے میرے جاہ و جلال دا نمونہ ہووے؟

31- بادشاہ ایہہ آکھ ای رہیاسی پئی اسمان توں آواز آئی اے نبوکد نصر بادشاہ تیرے بارے وچ ایہہ فتویٰ اے پئی سلطنت تیتھوں جاندی رہی۔

33- اوہ ویلے نبوکد نصر بادشاہ اُتے ایہہ گل پوری ہوئی تے اوہ بندیاں وچوں کڈھ دتا گیا تے اوہ مجاں وانگر کاہ کھاندا رہیا تے اوہ ابدن اسمان دی تریل نال تر ہوئیا ایتھے تیکر پئی اوہدے وال عقاب دے پراں وانگر تے اوہدے نوں پرندیاں دے چنگل وانگر ودھ گئے۔

34- تے ایہناں دیہاڑیاں دے لنگن توں بعد میں نبوکد نصر نے اسمان ول اکھیاں چکیاں تے میری سیان میرے وچ فیر آئی تے میں حق تعالیٰ دا شکر کیتا تے اس جی القیوم دی وڈیائی کیتی جیدی سلطنت ہمیشہ دی تے جیدی مملکت پیڑی توں پیڑی تیکر اے۔

36- اوہ ویلے میری سیان میرے وچ آئی تے میری سلطنت دی شوکت لئی میرا رعب تے دبدبہ فیر بحال ہو گیا تے میرے مشیراں تے امیراں نے مینوں فیر لبھیا تے میں اپنی مملکت وچ قائم ہوئیا تے میری عظمت وچ وادھا ہوئیا۔

37- ہن میں نبوکد نصر اسمان دے بادشاہ دی وڈیائی تے عزت احترام کرداواں کیوں جے اوہ اپنے کماں وچ نیک اے۔

3- عبدیہ 1 باب 3، 4، 17 (توں:)، 21 (تے) آیتاں

بائبل دا ایہہ سبق پلیمین فیلڈ کرچن چرچ، آزادولوں تیار ہو پایا۔ ایہہ کنگ جیمز بائبل ویاں آیتاں تے میری یکرا پڑی دی لکھی ہوئی کرچن سائنس دی ورسٹی کتاب، ”سائنس تے صحت آیتاں دی کنجی دے نال“ وچوں لیاں ہونیاں لازمی تحریراں نال بنایا۔

- 3۔ اے چٹاناں دیاں دراڑاں وچ وسن والے تیرے دل دے غرور نے تینوں دھوکا دتا اے۔ تیرا مکان اُچا اے تے توں دل وچ آکھد ایں پئی کون مینوں میٹھاں لاوے گا۔
- 4۔ خداوند آکھد اے پئی بھانویں توں عقاب وانگر پرواز کریں تے تاریاں وچ اپنا گھر بنانویں فیروی میں تینوں او تھوں میٹھاں لانواں گا۔
- 17۔ پر جیہڑے بچ جان گے اوہ صیون دے پہاڑ اُتے رہن گے تے اوہ پاک ہووے گا۔
- 21۔۔۔۔۔ تے بادشاہی خداوند دی ہووے گی۔

4۔ لوقا 4 باب 14، 15 آیتاں

- 14۔ فیریسوع پاک روح دی طاقت نال بھریا ہو گیا گلیل توں پر تیا۔
- 15۔ تے اوہ اوہناں دے عبادت خانے وچ تعلیم دیندا رہیا تے سارے اوہدی وڈیائی کردے رہے۔

5۔ لوقا 18 باب 9 تا 14 آیتاں

- 9۔ فیراوہنے کئی لوکاں نوں جیہڑے اپنے آپ اُتے بھروسہ رکھدے سی پئی اسی راستباز آں تے باقی بندیاں نوں ناچیز جان دے سی ایہہ تمثیل آکھی۔
- 10۔ پئی دو بندے ہیکل وچ دعا کرن گئے۔ اک فریسی۔ دوجا محصول لین والا۔

- 11- فریسی کھلو کے اپنے دل وچ اینج دعا کرن لگیا پئی اے میرے رب! میں تیرا شکر ادا کر دواں پئی باقی بندیاں وانگر ظالم، بے انصاف، زناکار یا ایس محصول لین والے وانگر نہیں آں۔
- 12- میں ہفتے وچ دوواری روزہ رکھ داتے اپنی ساری آمدنی اُتے دے دے کی دیناواں۔
- 13- پر محصول لین والے نے دور کھلو کے ایناں وی نہ چاہیا پئی آسمان ول اکھ چکے بلکہ چھاتی پٹ پٹ کے آکھیا اے خداوند! میں پاپی آں میرے اُتے رحم کر۔
- 14- میں تہانوں آکھ دواں پئی ایہہ بندہ دو جے نالوں راستباز ٹھہر کے اپنے گھر گیا کیوں جے جیہڑا کوئی اپنے آپ نوں وڈھا بناوے گا وہ چھوٹا کیتا جاوے گا تے جیہڑا اپنے آپ نوں چھوٹا بناوے گا وہ وڈھا کیتا جاوے گا۔

6- یعقوب 1 باب 12 توں 18 آیتاں

- 12- دھن اے اوہ بندہ جیہڑا آزمائش دی برداشت کر دالے کیوں جے جدوں مقبول ٹھہریتے حیاتی دا اوہ حاصل کرے گا جید خداوند نے اپنے محبت کرن والیاں نال وعدہ کیتا اے۔
- 13- جد کوئی آزمایا جاوے تے ایہہ نہ آکھے پئی میری آزمائش رب ولوں ہندی اے کیوں جے نہ تے رب بدی نال آزمایا جاسکد اے تے نہ اوہ کسے نوں آزمائند اے۔
- 14- ہاں ہر بندہ اپنیاں ہی خواہشاں وچ کھیچا جا کے تے پھس کے آزمایا جاند اے۔
- 15- فیر خواہش حاملہ ہو کے پاپ نوں جمدی اے تے جد پاپ و دھ جاند اے تے موت پیدا کر دالے۔
- 16- اے میرے پیارے بھراؤ! فریب نہ کھاؤ۔
- 17- ہر چنگی بخشش تے ہر کامل انعام اتوں اے تے نور اں دے پوتوں ملد اے جیدے وچ نہ کجھ بدلایا جاسکد اے تے نہ گردش دے پاروں اوہدے اُتے پرچھانواں آؤند اے۔

18- اوہنے اپنی مرضی نال ساہنوں سچائی دے کلام دے راہیں پیدا کیتاں جو اوہدی مخلوق وچوں ہر اک طراں دے پہلے پھل ہوئے۔

7- یعقوب 4 باب 6 توں 8 آیتاں

6- اوہ تے بوہتی توفیق بخشدا اے۔ ایس لئی ایہہ لکھیا اے پئی رب مغروراں داما مقابلہ کردا اے پر فروتاں نوں توفیق بخشدا اے۔

7- ایس لئی رب دے تابع ہو جاو تے ابلیس داما مقابلہ کرو تے اوہ تہاڈے کولوں نس جاوے گا۔

8- رب دے نیسرے جاؤ تے اوہ تہاڈے نیسرے آوے گا۔ اے پاپیو! اپنے ہتھاں نوں صاف کرو تے اے دودلو! اپنے دلاں نوں پاک کرو۔

8- زبور 50 باب 1، 6، 14، 15 آیتاں

1- رب خداوند نے کلام کیتا تے مشرق توں مغرب تیکر جگ نوں بلایا۔

6- تے اسمان اوہدی سچائی بیان کرن گے کیوں جے رب آپ ای نیاں کرن والا اے۔

14- رب لئی شکر گزاری دی قربانی کرتے سچے رب لئی اپنیاں منتاں پوریاں کر۔

15- تے ایہہ پئی مصیبت دے دن فریاد کر۔ میں تینوں چھڑاں گاتے توں میری وڈیائی کریں گا۔

سائنس تے صحت

1- 11-8:3-1:17

تیری مرضی جیویں اسمان اُتے پوری ہندی اے دھرتی اُتے وی ہووے۔
جیویں اسمان اُتے اے دھرتی اُتے وی ساہنوں ایہہ جانن دے قابل بنائی رُب قادرِ مطلق، اعلیٰ اے۔

تے ساہنوں آزمائش وچ نہ پین دے بلکہ بریائی توں بچا؛
تے رُب ساہنوں آزمائش وچ نئیں پاؤندا، بلکہ ساہنوں پاپ، بیماری تے موت توں بچاؤندا اے۔

2- 23-19:516

انسان، اوہدی شبیہ اُتے بنائے جان نال پوری دھرتی اُتے رُب دی حاکمیت دا پرچھانواں بن داتے ملکیت رکھدا اے۔
بندہ تے بُڈھی ہمیشہ لئی رُب دے نال ابدی تے ہم عصر، جلالی خوبی وچ لا محدود مادرِ پدر رُب دی عکاسی کردے نیں۔

3- 26-19:445

اگر سچن سائنس انسانی مرضی نوں چپ کر اؤندی پیا رتے سچیاں دے نال ڈرنوں خاموش کردی تے بیمار دی شفا وچ الہی توانائی دی غیر محفوظ حرکت نوں بیان کردی اے۔ خود تلاش، حسد، جذبہ، غرور، نفرت تے بدلہ اوس الہی سیان دے پاروں کڈھ دتے جان دے نیں جیہڑا بیمار نوں شفا دیندا اے۔ ہم آہنگی دے الہی اصول نوں لکاؤندیاں ہوئے انسان دی مرضی جیہڑا جھوٹ بناؤندی تے اوہدے عمل کردی اے، اوہ صحت نوں تباہ کرن والا اے تے اوہ علانج دی بجائے آپ ای بیماری دی وجہ اے۔

4 - 8-3:272

سچیاں نوں سمجھن توں پہلاں سچیاں دار و حانی فہم حاصل ہونا ضروری اے۔ ایہہ فہم اوس ویلے ای ساڈے اندر سما سکدا اے جدوں اسی ایماندار، بے غرض، پیار کرن والے تے حلیم ہن آں۔ اک ”ایماندار تے نیک دل“ دی مٹی وچ بیج بویا جانا چاہیدا اے؛ نیں تے ایہہ بوہتا پھل نیں دیوے گا، کیوں جے انسانی فطرت وچ گندہ عنصر ایہنوں جڑوں پٹ جھڈ دا اے۔

5 - 20-1:242

معافی، روحانی پیستسمہ تے نویں پیدائش دے راہیں انسان اپنے لافانی عقیدیاں تے جھوٹی انفرادیت نوں لا کے سُٹ دیندے نیں۔ ایہہ بس ویلے دی گل اے پئی ”نکے توں لے کے وڈھے تیکر سارے مینوں (رب نوں) جانن گے۔“ مادے دے دعویاں توں انکار خوشی دی روح ول انسان دی آزادی تے بدن اُتے اخیر فی فتح ول اک وڈھا قدم اے۔

اسمان اُتے جان دی کُلی راہ ہم آہنگی اے تے مسیح الٰہی سائنس وچ ساہنوں ایہہ راہ دکھاؤندا اے۔ ایہدا مطلب رب، چنگیائی تے اوہدے پر چھانویں توں علاوہ کسے ہو راصلیت نوں نہ جاننا، حیاتی دے کسے ہو رضمیر نوں نہ جاننا اے، تے ناں دے ای درد تے خوشی والے احساساں توں اُچا ہونا ایں۔

خود پرستی اک مضبوط جسم توں بوہتی غیر شفاف اے۔ صابر رب دی صابر تابعداری وچ آؤ غلطی، خود ارادی، خود جوازی تے خود پرستی دے سخت پتھر نوں پیار دے محلول نال حل کرن لئی کوشش کریئے جیہڑا روحانیت دے خلاف جنگ کردا اے تے ایہہ پاپ تے موت دا قانون اے۔

6- 25-24:191

ہستی دی سائنس انسان نوں کامل ظاہر کردی اے،

7- 25-8،17-15:252

مادے دی جس دا جھوٹا ثبوت بوہت چنگے طریقے نال روح دی گواہی دی مخالفت کردا اے۔ مادے دی جس اپنی آواز نوں حقیقت دی شدت دے نال اُچا کردی اے تے آکھدی اے:

میں مادے دی خوبصورتی اُتے تخت نشین آں۔ پر رب دی اک چھوون، اک حادثہ، رب دی شریعت کسے وی ویلے میرا سکون برباد کر سکدی اے، کیوں جے میریاں ساریاں خیالی خوشیاں خطرناک نیں۔ پر میری بد قسمتی، اُبل دے ہوئے لاوے وانگر میں ودھدی واں تے سوا کرن والی آگ دی عظمت دے نال چمک دی واں۔

روح ایس دے آلٹ گواہی دیندیاں ہوئے آکھدی اے:

میں روح آں۔ انسان، جیدیاں حساں روحانی میں میرے ورگا اے۔ اوہ لافانی سیان دا پرچھانواں اے، کیوں جے میں لافانی آں۔ پاکیزگی دی خوبصورتی، وجودی کاملیت، ناگن والا جلال، ایہہ سب میرے میں، کیوں جے میں رب آں۔ میں انسان نوں لافانیت دیناں واں کیوں جے میں سچائی آں۔ میں ساریاں نعمتاں شامل کرداتے دیناں واں، کیوں جے میں پیار آں۔ میں، ازل تے ابد توں بغیر، حیاتی دیناں واں، کیوں جے میں حیاتی آں۔ میں سب توں وڈھا آں کیوں جے میں سیان آں۔ میں ہر شے دامواد آں، کیوں جے میں جو آں سو میں آں۔

8- 7:339 (کیوں جے)۔ 19

کیوں جے رب ای سب کجھ اے ایس لئی اوہ دے نہ ہوون دی کوئی گنجائش ای نہیں اے۔ رب، روح نے سب کجھ کھیاں ای بنایاتے اوہ نوں چنگا آکھیا۔ ایس لئی بریائی، چنگیائی دی مخالف ہندیاں ہوئے، غیر اصلی اے تے رب دی بنائی ہوئی نہیں ہو سکدی۔ اک پاپی نوں ایس اصلیت توں حوصلہ نہیں مل سکدا اپنی سائنس بریائی دی غیر اصلیت نوں ظاہر کردی اے، کیوں جے پاپی بریائی دی اصلیت نوں سنوارد اے، اوس شے نوں اصلی بناؤندا اے جیہڑی اصلی نہیں اے، تے اٹیخ، ”قہر دے دن لئی غضب“، اکٹھا کردا اے۔ اوہ اپنے خلاف اک ہولناک غیر اصلیت وچ جاگن دے خلاف سازش وچ رل جاندا اے، جیدے نال اوہ دھوکہ کھاندا اے۔ بس اوہ لوک جیہڑے پاپ توں توبہ کردے تے غیر اصلیت نوں ترک کردے نہیں، اوہ ای بریائی دی غیر اصلیت نوں پورے طور تے سمجھ سکدے نہیں۔

9- 13-5:542

مادے تے حیاتی دابھروسہ ہر پیر اُتے پاپ کرواند اے۔ ایہہ الٰہی ناراضگی نوں پالیندا اے، تے ایہہ یسوع نوں قتل کرے گا پئی شاید اوہ تکلیف دہ سچائی لئی اک رکاوٹ سی۔ مادی عقیدے روحانی خیال نوں ذبح کرن گے جدوں کدی تے جتھے کتے اوہ ظاہر ہندے نیں۔

10- 11:186-20:28

بریائی منفی اے کیوں جے ایہہ سچائی دانہ ہونا اے۔ ایہہ کجھ وی نہیں اے، کیوں جے ایہہ کجھ ہوون دانہ ہونا اے۔ ایہہ غیر اصلی اے کیوں جے ایہہ رب، قادر مطلق تے ہر تھاں موجود، داپہلا ٹیوالا یا ہوئیانا ہونا اے۔ ہر بندے نوں ایہہ سکھناں چاہیدا اے پئی بریائی وچ طاقت اے نہ اصلیت۔

بدی آپ ادعائی اے۔ ایہہ آکھدی اے: ”میں اصلی ہستی آں، نیکی اُتے غالب آؤنی واں۔“ ایس جھوٹ نوں بدی دے سارے دکھایاں توں محروم کرنا چاہیدا اے۔ بدی وچ بس اک اپنے آپ نوں تباہ کرن دی طاقت اے۔ ایہہ چنگیائی دا ذرا جیہا تنکا وی کدی تباہ نہیں کر سگدی۔

فانی سیان خودی توں انجان ہندی اے نہیں تے ایہہ خود فریب کدی نہ ہندی۔ جے فانی سیان نوں پتا ہندا پئی چنگا کیوں بننا ایس تے اوہ چنگی بن جاندی۔ کیوں جے ایہنے اپنے آپ توں علاوہ کسے ہو ر اُتے ایمان رکھنا ایس، ایس لئی ایہہ مادے نوں دیوتا دے طور تے تخت اُتے بٹھا دیندی اے۔ دو جے دیوتا رکھیاں ہوئے تے اک توں بوہتیاں سیاناں اُتے یقین رکھیاں ہوئے، انسانی سیان شروع توں ای بت پرست سی۔

11- 26-30:3

جے اسی روح نوں پورا اختیار سنبھال دی اجازت دین لئی مادی فہم دیاں غلطیاں اُتے مناسب طور تے فتح پالئی اے تے اسی پاپ توں نفرت کراں گے تے اوہنوں ہر صورت وچ رد کراں گے۔ بس ایسے طراں اسی اپنے ویریاں لئی برکت چاہ سکدے آں، حالانکہ ہو سکدا اے وہ ساڈے لفظاں نوں نہ سمجھن۔ اسی آپ ایہدا انتخاب نہیں کر سکدے، پر ساڈی مکتی لئی ساہنوں اوہداں دے کم ای کرنے چاہیدے نیں جداں یسوع نے ساہنوں سکھایا اے۔ کمزوری تے طاقت وچ، اوہ غریباں نوں انجیل دی تعلیم دیندا ہونیا پایا گیا۔ غور تے ڈر سچائی دے معیار تیکر اپڑن لئی نااہل نیں، تے رب ایہنوں کدی اجیسے ہتھیاں وچ نہیں دیوے گا۔

12- 24-19:450

کر سچن سائنسدان بریائی، بیماری تے موت نوں مکھن والیاں دی فہرست وچ شامل اے، تے اوہ اپنے کجھ نہ ہوون تے رب یا چنگائی دے قادر ہوون نوں سمجھن نال ایہناں اُتے قابو پاسکدا اے۔ اوہ دے لئی بیماری پاپ توں گھٹ آزمائش نہیں اے، اوہ ایہناں دونواں اُتے رب دی قدرت نوں سمجھدیاں ہوئے دونواں توں شفا پاؤندا اے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔